



Bosna i Hercegovina
Federacija Bosne i Hercegovine
Zavod zdravstvenog osiguranja
Hercegovačko-neretvanske
županije/kantona

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 17-01-2025			
Org. jed.	Broj	Priloga	Vrijednost
05/1	-02-	684	124

Mostar, 10.01.2025.

Broj: 06-33-14-11-3-00248-1/25

PARLAMENT FEDERACIJE BIH
PREDSTAVNIČKI/ZASTUPNIČKI DOM
HAMDJE KREŠEVLJAKOVIĆA 3
71000 SARAJEVO

N/r Predsjedavajućeg /Predsjedatelja

PREDMET/ Odgovor na zastupničko pitanje zastupnika Admira Čavalića,- dostavlja se
Veza Vaš akt broj 05/1-02-684/24 od 30.12.2024.godine

Poštovani,

U skladu s odredbama Zakona o zdravstvenom osiguranju Federacije BiH ("Službene novine Federacije BiH", br. 30/1997, 7/2002, 70/2008, 48/2011, 100/2014 - odluka US, 36/2018 i 61/2022, u daljem tekstu: Zakon), članovima porodice osiguranika smatraju se:

- supružnik (bračni i izvanbračni shodno propisima o braku i porodici)
- djeca (rođena u braku ili izvan braka, posvojena ili pastoračad, i druga djeca bez roditelja ako ih osiguranik uzdržava)
- roditelji (otac, majka, očuh, maćeha, usvojitelji osiguranika) ako ih osiguranik uzdržava
- unuci, braća, sestre, djed i baka, ako su nesposobni za samostalan život i rad i ako nemaju sredstava za uzdržavanje, pa ih osiguranik uzdržava.

Članovi porodice osiguranika stječu prava na obavezno zdravstveno osiguranje po osnovu ovog zakona, pod uslovom da isto pravo ne ostvaruju po osnovu radnog odnosa ili obavljanja privredne ili neprivredne djelatnosti ličnim radom odnosno poljoprivrednom djelatnošću ili po nekome drugom osnovu. Shodno čl.22 Zakona, djeca osiguranika su zdravstveno osigurana do navršene 15 godine života, a ako su na srednjem odnosno visokom školovanju, do kraja redovnog školovanja, a najduže do navršene 26. godine života.

Budući je osnovno školovanje prema Okvirnom zakonu o osnovnom i srednjem obrazovanju u BiH obavezno za svu djecu do 15.godine života, zakonodavac je zakonskim i podzakonskim aktima propisao način ostvarivanja prava na zdravstveno osiguranje kao i djece koja nastave redovito školovanje a najduže do navršene 26.godine života.

Također, propisano je da djeca koja ne nastave redovito školovanje i nakon 15.godine života, imaju mogućnost ostvariti pravo na zdravstveno osiguranje putem Službe za zapošljavanje te je shodno tome zakonodavac i taj dio riješio odredbama zakonskih i podzakonskih akata.

Budući se doprinosi za zdravstveno osiguranje uplaćuju prema mjestu prebivališta, prijave na zdravstveno osiguranje se podnose u nadležnu Poreznu upravu FBiH ili Zavod zdravstvenog osiguranja (ovisno od osnova osiguranja).

Kakvo je stvarno stanje provedbe zakonske obaveze pohađanja osnovnoškolskog obrazovanja nije nadležnost ovog Zavoda nego nadležnih organa (inspekcija, i sl.).

Pored naprijed navedenog, Uputstvom o primjeni Zakona o socijalnoj zaštiti (Narodne novine HNŽ/K, br 4. od 16.05.2016.), propisan je način dokazivanja prebivališta korisnika prava iz Zakona o socijalnoj zaštiti („Službene novine Hercegovačko-neretvanskog kantona“, br. 3/05 i 1/16), te između ostalog i dokumentacija potrebna za ostvarivanje prava na zdravstveno osiguranje za djecu od rođenja do polaska u osnovnu školu ukoliko to pravo ne mogu ostvariti po drugom osnovu.

S poštovanjem.


Direktor

Andrej Čović

Dostavljeno:

-naslovu,
-a/a